



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Balvzii Miscellaneorum Liber ... Hoc est,
Collectio Veterum monumentorum, quæ hactenus
latuerant in varijs codicibus ac bibliothecis**

Baluze, Etienne

Parisiis, 1679

Alphonsi Regis Castellæ epistola ad Philippum Augustum Francorum
Regem, qua ab eo petit auxilium adversùs Sarracenos.

urn:nbn:de:hbz:466:1-14735

*ALPHONSI REGIS CASTELLÆ
epistola ad Philippum Augustum Franco-
rum Regem, qua ab eo petit auxilium ad-
versus Sarracenos.*

Serenissimo Domino Philippo Dei gratia Fran-
corum Regi Alfusus eadem gratia Catillen-
sium Rex, salutem in eo qui dat salutem Regi-
bus. Dubitare mori nemo debet pro Christi no-
mine, cum legatur Christum mortem pro populo
pertulisse. Semen Chanaan, & non Iuda, violenta
progenies, incircumciscus populus & immundus,
maculatæ mentis & conscientiæ gentiles regno pro-
ximi sunt & confines, vasa mortis in manibus suis
continentes, nos & sanctæ fidei professores tam
innata malitia quàm assueta perfidia persequuntur.
Ab eis non minus quàm mortem expectamus. Proh
pudor! & in ministros altaris non desinunt de-
grassari. Gaudium eorum est & affectus mutilare
servos simul & filios crucifixi. Memoramus quòd
idolatræ Trinitatis hostes nostrum sanguinem si-
tientes in nostras animas conjurarunt. Sed nos of-
ferre volentes nosmetipsos sacrificium Deo in odo-
rem suavitatis, in instanti die Maij cum eis qui
viam pacis minimè cognoverunt, ante quorum
oculos Dei timor non est, sumus proculdubio con-
ficturi, firmiter confidentes quòd licet pauci si-
mus, & ipsi multiplicati sint in equis & curribus
necnon & numero, de cælo nobis adveniet for-
tudo. Cum igitur murum integritati solitum de-
beatis & vallum fidei providere, serenitati vestræ
preces porrigimus cum singultu quatenus de regno
vestro vernaculos expeditos & armatos milites ad

Anno 1110.
Vide Roder.
Tolet. lib. 8.
c. 2. & Ma-
rian. lib. 11.
c. 23.

nostrum coadjutorium transmittatis, nihil dubitan-
tes quia si sanguis noster in conflictu Christi res-
pondet sanguini, verè poterimus inter martyres
computari.

*HONORII III. PAPÆ
epistola ad Raimundum Rogerium
Comitem Fuxensem.*

Anno 1216.

Honorius Episcopus servus servorum Dei di-
lecto filio nobili viro R. Comiti Fuxensi sa-
lutem & apostolicam benedictionem. Cùm olim à
dilecto filio nostro Petro Tituli sancti Laurentij in
Damaso Presbytero Cardinali tunc apostolicæ sedis
Legato absolutionis beneficium accepisti, eidem
inter alia juramento præstito promissisti quòd super
his pro quibus excommunicatus extiteras apostoli-
cis deberes parere mandatis; & ob hoc castrum
Fuxi assignati fecisti eidem, tuis custodiendum ex-
pensis. Præterea pro Rogerio Bernardi filio & Ro-
gerio de Comengia nepote tuis, ut mandatis apo-
stolicis obedirent, eidem Cardinali castrum obli-
gasti prædictum. Propter quod idem castrum au-
ctoritate sedis apostolicæ fuit hætenus custoditum.
Nuper autem per proprios nuntios ad sedem apo-
stolicam destinatos à nobis instantissimè postulasti
ut dictum castrum tibi restitui faceremus. Licet
verò à nonnullis nobis suggestum fuerit quòd tu,
postquam castrum recuperaveris sæpèdictum, ne-
gotium pacis & fidei perturbabis, quia tamen hæc
usque præfati Cardinalis dispositionibus & aposto-
licis mandatis humiliter paruisti, nec volumus
quòd Ecclesia Romana valeat à quoquam de fide
non servata redargui, cùm etiam manus nostra non